



Broj: T18 0 KT 0018764 25
Brčko, 06.02.2026. godine

Optužnica potvrđena dana 12.02.2026.godine

Na osnovu člana 35. stav (2) tačka z) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

A. G., rođen 1987. godine u Brčkom,

Što je:

1. Dana 08/09.07.2025. godine, u Brčko distriktu BiH, došao do zgrade MZ „IV Juli“ koja se nalazi na adresi Isaka Samokovlije br. 1A, odakle je, bez cilja pribavljanja protivpravne imovinske koristi, svjestan da oduzima tuđu pokretninu, što je i htio, skinuo državnu zastavu Bosne i Hercegovine, dimenzija 230x150 cm, koja se nalazila okačena pored ulaznih vrata navedene zgrade, a zatim se sa zastavom udaljio u nepoznatom pravcu,

dakle, bez cilja pribavljanja imovinske koristi protivpravno oduzeo tuđu pokretninu,

2. Dana 03/04.11.2025. u Brčko distriktu BiH, došao do porodične kuće E. M., koja se nalazi na adresi ..., odakle je u namjeri pribavljanja protivpravne imovinske koristi male vrijednosti, svjestan da oduzima tuđu pokretnu stvar, što je i htio, oduzeo bicikl marke „Konsul“, crno-zelene boje, vrijednosti 300,00 KM, vlasništvo E.M., a koji se nalazio parkiran iza E.M. porodične kuće, prislonjen uz zid i neobezbijeden, a zatim se biciklom udaljio u nepoznatom pravcu, čime je za sebe pribavio protivpravnu imovinsku korist u iznosu od 300,00 KM, a za navedeni iznos oštetio vlasnicu,

dakle, tuđu pokretninu male vrijednosti oduzeo drugome, s ciljem da njenim prisvajanjem pribavi sebi protivpravnu imovinsku korist,

3. Dana 08.11.2025. godine, oko 19.40 časova, u Brčko distriktu BiH, u ulici Zaima Mušanovića, u blizini raskrsnice, svjestan da podesnim predmetom može načiniti oštećenja na karoseriji vozila, što je i htio, bacio kamen na putničko motorno vozilo marke „Mercedes“, model E320 CDI, plave boje, registarskih oznaka ..., godina proizvodnje 2002, vlasništvo A.F., koje se u tom trenutku kretalo kolovozom, usljed čega su na predmetnom vozilu nastala oštećenja u vidu

napuknuća plastike prednje karambolke, čime je vlasniku vozila pričinjena šteta u iznosu od 1.130,00 KM,

dakle, oštetio tuđu stvar,

čime je pod tačkom 1. učinio krivično djelo – Oduzimanje tuđe pokretnine – iz člana 285. stav (1) Krivičnog zakona Brčko distrikta BiH, pod tačkom 2. krivično djelo – Krađa – iz člana 280. stav (2) Krivičnog zakona Brčko distrikta BiH i pod tačkom 3. krivično djelo – Oštećenje tuđe stvari – iz člana 287. stav (1) Krivičnog zakona Brčko distrikta BiH, a sve u vezi sa članom 54. Krivičnog zakona Brčko distrikta BiH.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.****
